

中  
西  
紀  
事

絳在著雍執徐易月

中西紀事原敘

道光庚子之夏洋氛不靖蔓延三載

成廟不忍生靈塗炭不得已而允撫事之情竊以夷人貪利志在通商自非前代要求割地之比惟防秋之備猾夏尤嚴而閩帥疆臣計窮徙薪憂貽伏莽迨燎原勢熾猶復煦嫗而辭蹶足談笑以謝關弓在當日築室朝謀垂堂夕警毋亦急何能擇而令

鼎湖龍馭之日輪臺自責平壤無功是則

陟降之恫詎非謀國之咎耶。時承乏臨城司訓一官苜蓿無預憂危而惡聲方戢于村雞譌言又傳于市虎于是

蒿目增傷裂眦懷憤爰蒐輯邸鈔文報旁及新聞紙之可據者錄而存之兩相枋國防口綦嚴珍此享帚之藏竊懷挾書之懼恭逢

今上嗣位夷船徑赴天津梯航修好

上遠覽前事止呼邪于款塞卻楚貢之包茅辭之以禮不惡而嚴該夷遂逡巡而去夫螳臂之奮豈勝任于車輪燭火之光自見消于日月況以彼不賓之荒服固已等棄地于珠厓而鰓鰓焉拾魏絳和戎之藩鬢關白求封之壑揆之威德兩無居焉

皇上乾綱獨斷渙號斯宣正汪黃之罪以慰

在天之靈雪伯紀之冤以絜同民之矩

微臣

需次京邸歡

聽

綸音竊謂逆命有苗民何累深仁于

堯舜而責備在賢者難逃直筆于董狐爰取昔日所藏詮  
次成帙附陳臆見以當臚言藉備異日史家之采擇雖然  
支離攘臂神人以爲大祥尸祝代庖君子譏其出位居閒  
散而抱先憂之隱者毋乃類是欲加之罪其又奚辭時  
今上御極道光三十年庚戌十二月



中西紀事次敘

庚戌之冬需次京邸時值洋艘遣退枋相罷歸爰取庚子以來英人入寇本末編次成帙藏之笥中嗣見通商日久中外錯居各以詐力相尙水火生于畛域柄鑿起于錐刀于是官袒民則番怒袒番則民怒番以其強民以其眾而交鬩之端復起竊惟馭外之要不越勦撫二端乃由前而論擇將之難漢文拊髀而興嘆由後而論徙戎之患江統蒿目而生憂豈無故哉孟子曰上下交征利不奪不鬻今自通商以來中西交征利矣利之所在不得不爭爭則奸商猾吏交構其閒是則邊衅之相尋而無已也值天津用

兵之後湖上無事乃續據十年來所聞見者合之前定之  
槁分類紀敘釐爲十六卷中西爭競之關鍵略具于此若  
夫中國自有

聖人正統不數閏位必謂侏僂昧任不齒于聲教之中吐  
鶻柔蠕反脣于族類之異拾野史之誣炫雷同之聽吾無  
取焉時咸豐九年己未九月



中西紀事定本目錄

咸豐十年。自浙返江右其年秋今曾侯以兩浙總督督師駐祁門調入幕府時值輦轂之變奉

詔北援和議既成罷兵換約凡前後奏咨稟案及軍機摺臺來往信函件次之撰爲庚申續記踰年回江供職親預於長江設關西士傳教之役又見續頒條約暫定章程雖法窮則變抑亦時勢爲之而魚以煩烹致碎羊以多歧而亡君子不能不於始作俑者三致慨焉爰取庚申以後續成數事增入中西紀事中合之爲二十四卷今次其目如左

中西紀事  
卷之一

通番之始

卷之二

猾夏之漸

卷之三

互市檔案

卷之四

漏卮本末

卷之五

英人窺邊請撫

卷之六

粵東要撫

卷之七

閩浙再犯

卷之八

江上議款

卷之九

白門原約

卷之十

臺灣之獄

卷之十一

五口衅端

卷之十二

四國合從

卷之十三

粵民義師

卷之十四

大沽前後之役

卷之十五

庚申換約之役

卷之十六

天津新議續議

卷之十七

長江設關

卷之十八

洋藥上稅

卷之十九

小國換約

卷之二十

外夷助剿

卷之二十一

江楚黜敎

卷之二十二

勦撫異同

卷之二十三

管蠡一得

卷之二十四

海疆殉難

是編草創未就得見同年魏默深中翰

源

所撰海國圖

志愛其采摭之博惟其體例兼備四洲故于英人入寇

及海疆用兵之利鈍不具詳也猾夏起于通番漏卮原  
于互市邊衅之生由枿於此原稿皆敘于各案下續據  
海國圖志所載各檔案遂仿紀事本末之例釐爲四卷  
著始禍也五卷以後邊衅本末多據邸鈔及奏咨各案  
參以西人紀載之可信者十五卷換約以後則條約章  
程頒行各省尤爲班班可攷續論次之而以勦撫異同  
管蠡一得殿焉卷末記海疆殉難諸臣悉以死事年月  
之先後爲斷惟有則詳而核無則略而存蓋仿綏寇紀  
略補遺之例云時同治四年乙丑六月

德蘇俄等國元勳同席四座之在六科

之次更賦詩酬答則有明遊歷眼望而新蘇州府宗

當歸之贊德意亦未可謂與蘇州宗以英中半以

德蘇俄等國元勳同席四座之在六科

之次更賦詩酬答則有明遊歷眼望而新蘇州府宗

當歸之贊德意亦未可謂與蘇州宗以英中半以

德蘇俄等國元勳同席四座之在六科

之次更賦詩酬答則有明遊歷眼望而新蘇州府宗

當歸之贊德意亦未可謂與蘇州宗以英中半以



中西紀事卷之一

江上蹇客

通番之始

歐羅巴居天下四洲之一其地在亞細亞洲西南洋之西而中隔以地中海曰歐羅巴總其洲之島岸名也曰大西洋以其海之方隅名也若其國名則中國之所謂大秦西人之所謂泰西也自古不通中國惟東漢時遣使一貢范蔚宗立大秦傳而歷代之史因之傳言其人民皆長大方正有類中國故謂之大秦又言大秦嘗欲通使于漢而安息貪以漢繒采與之互市故遮闔不得自達至東漢桓帝